

PROTOCOLO DE ACTUACIÓN PARA A REAPERTURA AO USO DA SALA DE TIRO CON ARCO DO ESTADIO DO CAMPUS DE ELVIÑA

Este protocolo ten como obxectivo informar as persoas usuarias da sala de tiro con arco do Campus de Elviña das recomendacións e normas para limitar ao máximo as posibilidades de infección por Covid-19, tomando en consideración os factores de risco coñecidos ata o momento.

É de obrigado cumprimento por parte dos/as deportistas que queiran facer uso da instalación da sala de tiro con arco e será plenamente vinculante, sen prexuízo das normas que se publiquen por parte da autoridade competente durante o transcurso da pandemia.

En todo caso, o cumprimento deste protocolo corresponderá aos/ás deportistas cando a usen baixo a súa exclusiva responsabilidade.

1. REQUISITOS PREVIOS AO ACCESO Á SALA

Será necesario reservar, como mínimo con 24 h. a asistencia a sala de tiro indicando aproximadamente o horario de tiro. Isto farase a través do grupo de Whatsapp do club. Non haberá tirando mais de 3 persoas na mesma franxa horaria, resolverase por orde de solicitude.

Antes de acceder ao uso da instalación, cada usuario/a ten que coñecer e aceptar expresamente todas as pautas de uso da instalación. Para iso deberán ler e aceptar a declaración responsable (Anexo II), a través do seu perfil de usuario na aplicación **udcxest.udc.gal** (procedemento no Anexo I).

Os usuarios recollerán a súa tarxeta de acceso na conserxería do Estadio. Será obrigatorio pasala polo lector de tarxetas de control de acceso en cada asistencia á instalación.

As persoas que deron positivo en Covid-19, aínda asintomáticas, non poderán iniciar a práctica deportiva na instalación.

2. PERSOAS USUARIAS

Poderán utilizar as instalacións:

- Membros da sección deportiva do Club de Tiro con Arco da UDC.
- Arqueiros federados autorizados pola Área de Deportes da UDC

3. HORARIOS, QUENDAS E CAPACIDADE:

- Días de uso: de luns a venres.
- Horario: de 09:00 h a 20:30 h (horario reducido de verán do 1 de xuño ao 30 de setembro)
Agosto: de luns a venres, de 09:00 h a 14:30 h
- Quendas: estableceranse franxas horarias de 2 horas para os adestramentos, que poderán ser modificadas en función das necesidades de limpeza e desinfección das instalacións.
- Capacidade: establécese unha capacidade máxima na sala de 6 usuarios (máximo 3 arqueiros tirando á vez)

4. OBRIGAS DAS PERSOAS USUARIAS

- Respetaranse en todo momento as medidas de seguridade e separación de seguridade entre arqueiros.
- É obrigatorio o uso de máscaras, luvas, así como o uso de gafas, sempre que non se estea tirando. Cando se estea montando / desmontando o arco se terá a máscara posta. Terase coidado de non tocar no posible aqueles obxectos ou equipamento de uso colectivo.
- Cada arqueiro so poderá estar nun parapeto, y so poderá utilizar a súa diana. Para elo, o club dotará de dianas para os adestramentos personalizadas. Unha vez finalizado este, retirárase a diana usada. Non poderá quedar ningunha diana nos parapetos. Os cravos para fixar a diana serán gardados polo arqueiro ca súa diana e cada un utilizará sempre os seus cravos. Tanto a diana como os cravos, os pode levar e traer o arqueiro ou deixalos no chan na rúa na que tire, pegados á parede.
- Polo anterior, e para establecer e garantir unha distancia mínima de 2 metros, so poderá darse a coincidencia no tempo diario de adestramento de 3 arqueiros máximo, si non, realizaranse quendas. As instalacións poderán acceder como máximo 3 persoas mais, que terán que levar necesariamente máscara e en ningún caso poderán estar usando as dianas mais de 3 arqueiros a un tempo.
- Finalizada a práctica, desinfectaranse os parapetos cunha solución de auga e lixivia 1/50 que dispoñemos na galería. Ademais, aplicarase esta solución nas zoas empregadas para montar e desmontar o arco. Despois de montar o arco, disporase a bolsa/maleta do arco na rúa na que se estea tirando arimada á parede e pulverizarase ca solución de auga e lixivia na zoa que se empregou para montar o arco. Despois de recoller o arco realizarase o mesmo proceso na zoa empregada para desmontar e gardar o arco.
- Procurarase evitar, na medida do posible, o uso de ferramentas do club (bolígrafos e rotuladores, desparafuxadores, chaves, bastidor para facer cordas, cortatubos....). En caso de ter que usalas desinfectaranse ca solución de auga/lixivia posteriormente ao seu uso cada vez que se usen.
- Os/as usuarios/as manterán as pautas estritas de aseo persoal, conduta e coidado para evitar contaxios.
- As persoas que deron positivo en Covid-19, aínda asintomáticas, non poderán iniciar a práctica deportiva.
- Ante calquera síntoma ou en caso de sospeita de estar infectado/a, ou ter estado en contacto con persoas infectadas ou baixo sospeita de estalo, débese evitar calquera actividade e poñerse en contacto de forma inmediata cos servizos sanitarios para seguir todas as súas indicacións.
- Antes e despois da práctica deportiva é moi importante lavar as mans con auga e xabón ou xel hidroalcohólico. Recoméndase o uso das solucións hidroalcohólicas en botes de uso individual (tempo recomendado: 30-40 segundos) ou o lavado de mans con auga e xabón (tempo recomendado: 40-60 segundos).
- Pasarán obrigatoriamente polos elementos de desinfección de calzado que se instalen.
- Os usuarios/as responsabilizaranse individualmente de portar luvas, máscara, unha bolsa de desinfección con toalla, xel hidroalcohólico etc.
- Deberán desbotar as máscaras, luvas, papel etc. que se utilicen nas papeleiras pechadas que hai na entrada da instalación.

- Insístese nunha hidratación máis frecuente mediante botellas de uso individual
- Prohíbese o uso de vestiarios nas fases actuais.
- Débese evitar que as mochilas, bolsas de zapatillas ou bolsas de deporte poidan estar en contacto con superficies non desinfectadas; se se producise este contacto, recoméndase lavalas na lavadora a un mínimo de 60º.
- Os usuarios/as non compartirán bebidas, outros alimentos, ou outros produtos, engadidos os sanitarios ou de primeiros auxilios. Utilizaranse botellas de uso individual.
- Recoméndase que todos os usuarios/as realicen unha vixilancia activa dos seus síntomas e leven rexistro da temperatura corporal dúas veces ao día (pola mañá e á noite).
- É recomendable ir e volver da instalación coa mesma roupa. No caso de usar as perchas, garántese que a roupa non entre en contacto con outra roupa ou material. Ao chegar á casa ou zona de residencia, recoméndase lavar toda a roupa utilizada (incluso gorras, panos para o pescozo etc.) a 60º como mínimo, e evitar sacudila. Desinfectarase, igualmente, o calzado utilizado.

Estas obrigas e recomendacións en todo momento estarán suxeitas ás indicacións das autoridades sanitarias.

5. MATERIAL DE PROTECCIÓN DISPONIBLE PARA OS/AS DEPORTISTAS

- Hidroxeles
- Papel secamáns
- Papeleiras pechadas
- Alfombra desinfectante
- Sinais coa normativa, vías de circulación e recomendacións específicas

6. USO DE ASEOS

Os aseos a disposición das persoas usuarias serán os existentes ao carón do distribuidor do centro. Non está permitido o uso dos vestiarios nin dos armarios individuais.

A súa ocupación máxima será dunha persoa.

Non se poderán utilizar para outro fin que o propio e polo tempo imprescindible.

Desbotar os panos ou calquera material dun só uso nas papeleiras instaladas.

Este protocolo, é un documento vivo, que ser irá adaptando ás sucesivas ordes ministeriais ou outras normas, instrucións emitidas polo Ministerio de Sanidade e resolucións reitorais.

Anexo I

Acceso ao portal de usuarios a través da web **udcxest.udc.gal**


1) Autenticación



2) Ler e aceptar o protocolo:



-Mostrarase o documento completo cando prema en Ler e aceptar



Anexo II:

O/a interesado/a

Primeiro apelido:	Segundo apelido:	Nome:	DNI:
-------------------	------------------	-------	------

Enderezo para efectos de notificación

Rúa:		Localidade:	
CP:	Provincia:	Teléfono:	Enderezo electrónico

DECLARO:

- Que coñezo o **protocolo de volta á actividade deportiva de Tiro con Arco do Estadio de Elviña** e comprométome ao seu cumprimento de forma exhaustiva.
- Que accederei ás instalacións coas medidas de protección (luvas e máscara) e outras especificadas no protocolo, e que as utilizarei sempre que a práctica deportiva o permita, e que cumprirei as normas de utilización das instalacións que marca o protocolo para cada un dos espazos.
- Que, a pesar da existencia dun protocolo de volta á actividade, son consciente dos riscos que entraña a práctica deportiva compartida en espazos deportivos nunha situación pandémica como a actual.
- Que non padecín ningún síntoma da Covid-19 nos últimos 14 días:
 - Febre
 - Cansazo
 - Tose seca
 - Dificultade para respirar
- Que non estiven en contacto con ningunha persoa que dese positivo en Covid-19 nos últimos 15 días.
- Que avisarei, de forma inmediata, ás persoas responsables da instalación se algunha das circunstancias anteriores sucedesen ou dese positivo en Covid-19, para que se poidan tomar as medidas oportunas.

INFORMACIÓN EN MATERIA DE DATOS PERSOAIS

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (RXPDP), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), informamos que os datos facilitados serán tratados baixo a responsabilidade da Universidade da Coruña (no ámbito da Área de Deportes da UDC), sendo os seus datos de contacto Rúa Maestranza 9, 15001, A Coruña, teléfono 981167000, correo electrónico secretariaxeral@udc.gal

A finalidade do tratamento destes datos persoais é a prevención dos contaxios da Covid-19 entre as persoas usuarias das instalacións deportivas. Todas as persoas que entren en contacto con estes datos coa citada finalidade cumprarán o deber de confidencialidade establecido no artigo 5 LOPD. Estes datos trátanse durante o tempo imprescindible para cumprir coa citada finalidade

A base de lexitimación do tratamento destes datos persoais encóntrase no artigo 6.1, apartados c), d) e e), e no artigo 9.2, apartados b), c), h) e i) RXPd: fundamentalmente, interese vital da persoa física afectada e doutras persoas físicas, cumprimento de obrigas legais establecidas pola normativa de medicina preventiva, e razón de interese público no ámbito da saúde pública (Lei 31/1995, 8-11, de prevención de riscos laborais; Lei 33/2011, 4-10, xeral de saúde pública).

Os seus datos poderán ser cedidos ou comunicados a aquelas persoas físicas ou xurídicas que, en virtude de contrato ou convenio coa UDC, sexan designadas para prestar servizos propios da Área de Deportes da UDC (como vixilancia e seguridade etc.). Estas persoas externas á UDC só poderán recibir e utilizar os seus datos coas finalidades específicas para as que foron designadas, que é a prestación de tales servizos propios da Área de Deportes, e terán a condición de encargados de tratamento dos datos persoais.

A persoa titular dos datos ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Tales dereitos poderá exercelos, destacadamente, a través do formulario para o exercicio dos dereitos en materia de protección de datos persoais, que se pode cubrir na Sede Electrónica da UDC no apartado "Outros trámites"; así mesmo, mediante unha solicitude remitida ao seguinte enderezo: Secretaría Xeral, Reitoría da Universidade da Coruña, Rúa Maestranza 9, 15001 de A Coruña ou ao correo electrónico secretariaxeral@udc.gal, coa referencia "protección de datos", a través dun escrito asinado para tal efecto achegando fotocopia do seu DNI. Igualmente poderá dirixir esta solicitude directamente á/ao Delegada/o de Protección de Datos, ao mesmo enderezo postal anteriormente indicado, ou ao correo electrónico dpd@udc.gal. Así mesmo, ten dereito a presentar unha reclamación ante a Axencia Española de Protección de Datos (AEPD).

A sinatura acredita estar conforme e a aceptación das normas de utilización da pista de atletismo do campus de Elviña.

_____, ____ de _____ de _____